

集部

欽定四庫

集部

吳都文粹續集卷三十六

詳校官庶吉士臣朱

侍讀臣孫球覆勘 理

校對官主簿臣汪 總校官進士臣繆 膽銀監生臣張鴻仁

日賛

琪

大足四軍全時 跡亦珠巧方筆祠是用作記意嚴洒識嗟予小 は変数という 1 吴都文粹結集 日楊無極二五在人一源故不 将魯胡然歷世莫踵公 / 漁續洛寥寥聞派久 明 錢殼 黄士毅 棋

自今 我同心如水将至能令後學本末易明偽行不作踵公 邑也東吳澤國干經萬濟悠然逝價然止而皆治於二 琴川去京畿八驛而近境大壤平舟車走集東吳之望 世閱産吳敢誦所自滄洲之徒登橋而思刻銘述記期 金号电压人音 文學橋在縣治東北子游卷口舊名言偃橋又名醋 庫宋慶歷五年録事夏秀建國朝初里人陳貞重建 重建跨塘橋記 曹絳

患之邑人欲更為石梁久矣上之人狱訟是務踵武帖 歲物豐成問里康阜縉紳父老合辭以請公曰泉之所 轡憧憧於達路者莫不由斯歳篇綿稔雨澇衝毀來往 てこり 其經絡於関關之間旁注而側出者乃其一也舊有橋 江浮於震澤紫帯而下至琴川分為五浦而後入于海 欲茍憚其勞是委民寄於草莽也其可乎然後鉅費夥 視莫肯一屑意淳熙癸卯邑大夫自公為政之明年也 日跨塘凡迎肅朝廷之命令接勞四方之賓客摩肩總 1.4.in 1 吴都文粹始集

展罪夕靄春穠秋春征帆飚見飛鳥明滅壞奇萬態問 蒼珉結址盤固而高廣有加也登馬引目則干里在睫 美工不發而多曾不踰時汔奏成績公謂是橋之新也 會名不可以不稱乃以邑之地名之曰琴川自公改斷 遠近士民靡不感動協議畢力克伸僝功故材不賦而 非號名能集要當以身先乃出公帑之餘為之倡於是 見層出騷人高士過之心景宜會則停緊嘯做躧步微 虹蜿蜒直縣數百步夏東西取道之首一境阡陌之

多好四月在書

卷三十六

不窥施於有政則應機立斷釣隐察伏洞見精密而歸 之功兆於此矣公天資紙粹以文學世其家於書無所 吟江山之樂自適於意之表雖簪纓之風臺月榭仙釋 子産以乘輿濟人於溱洧而孟子譏其恵而不知為政 之紅嚴線軽無得之也真所謂處喧囂而接退職者數 公成於於服日民無褰裳濡軌之患過子産遠甚濟川 如是邪且橋梁之與廢先賢以是觀人之政豈細事哉 何向晦而今顯自非公之精誠逸韻其能經營裁畫之

を正日日 とふう

吴都文粹續集

傳西湖之景物以蘇公隄而傳此橋以公之善政遂為 詳大凡天下勝處非人莫傳滁山之林泉以醉翁亭而 腴與學校而子弟知為善之可樂若是者未易一二而 漕渠而買艦得以貿遷凌福山白茅二浦溉荒蕪為膏 於日用者先定其規模而後從事庭無肅如也至若通 解而人無不得其情不以更追民不以政為吏設施見 金罗巴尼有量 於忠厚凡民五遇麗刑站箭投詞有至于庭者涉筆批 一方之超觀将振耀而傳無窮也邑人求文以識其事 卷三十六

天下之事成於義而敗於利義之為字一而己矣視之 而不足者非刊之金石無以垂不冺而慰後人之拳拳 無形求之無跡頹字遇之巍巍翼翼曲路得之平平直 也故為之書古州司理泰軍曹綠記 公之治績赫赫不可掩何待願縷哉盖人之向慕傾戴 棨建 跨塘橋舊名信義在縣治直南宋淳熈十年縣令曾 韓氏修造橋梁道路記 吴即文华街県 桑悦

|直城池傾圮有之則飭廪箧落寞值之則溢我為則勇 橋梁俱有未修民或病涉邑侯青城孫君璽以名進士 富聚之則利散之則義可不為濟人計邪顧婆溪至邑 我戰則力大至為臣死忠為子死孝扶天網立人極義 平生讀書仗義年至六旬顧後無繼因慨然日吾蓄之 川之婁溪有故家子韓君趺字良玉寔魏國忠獻公後 神力交以義結窶賎不絕甚矣哉天下不可無義也練 其可少之邪是故事以義成不犯五刑物以義得不勞

致定匹庫全書

卷三十六

批答云一毫不預慨世俗之可憎九橋連修視斯人之 成初橋成孫候申文欽差工部郎中傅公潮大加賞嘆 賢并作守錢之戒令侯備綵帳俾縣教諭周成彰之以 獨異又曰與其厚之以幣孰若華之以文用旌尚義之 金数百兩又造北門城隍橋及砌宴溪街三十丈皆垂 **涇莊涇孫涇為橋者俱以木易石足為久遠計共費白** 遂捐己資自韓涇新團涇譚涇周涇新漕涇表涇俞項 宰本邑政通人和百廢具與兹橋心懼 煩民尚未之及 ----吳印文华續集

橋功之就即產一住兒名錫有符孫侯音日獎諭之言 官所損不知幾家所刑不知幾人良玉以獨力成之於 滿路里卷之人無不祭之夫橋之成道路之修使出於 之物為萬民之利所得不既多乎良玉素以之嗣為愛 曰積財不施者自己無分五家子有分令良玉以五家 鄉之人前無所損而後有益是豈易得也耶夫藏經有 詞併有以羊尊侯親下其盧鼓樂前導與從塞途光輝 他日見之成立而閱諸橋或期腳馬之過或詠青龍之 卷三十六

敏定四牌全書

事以和即與廢舉墜凡學校城隍廟以至諸司公解東 木為之易於朽腐修理維艱自吾邑侯下車之明年政 常熟縣治之東南路接崑山太倉為縣通衢舊有橋以 南潛農諸倉悉一新之因念橋之頹圮行者病涉且愿 於石以垂永久 現必有待也余以文字為職業因為記其事即可勒之 諸橋在嘉定縣 常熟縣新建迎春橋記 吳都文粹續集 王宗錫

とこうき ここう

魏然煥然如長虹駕空見者驚喜橋之處多侯姓舊名 所宜况官吏師生糧塘里老以及通縣旄倪孝聚而觀 音堂甚早隨不堪即事及之節令春從東方來非北地 侯家橋邑中積歲迎春皆從大東門地頗近北外有觀 計之仍命義民唐政侯珮瞿旭董理其事經始於弘治 正即傅公雖然日此誠經久圖也即命以行於是名匠 **木之不能久也乃易以坚石申請於今總理河道工部** 己未六月十五日落成于十一月二十八日未幾橋即

多好四样全書

橋其地寬其方正父老歡呼咸曰百年因襲之與一洗 数百年之事功不照照為仁總總為惠利澤及人真可 君子存公平正大之體而有紀綱法度之施所以集此 知為政若此橋之建舉之者邑侯也成之者傅公也二 之竊惟鄭子産以來與濟人於溱洧孟子譏其息而不 而新之遂改名迎春橋傅公又曰此盛事也不可無言 地不足容邑侯因易以東門總收倉場即事罪經行此 以記其寔邑侯與諸僚佐謂予染指卜商之學徵言志

次已四年之后 图

关都文粹驗集

三縣今應名而起大用有期傅公名潮江右新喻世家 呼後之視今亦猶今之視皆繼斯邑者尚當勿替引之 翰楊明主簿都尚質董資皆能赞襄惟謹可以書矣鳴 奉命東南大與水利功業未量若治農官趙祥縣丞張 子器浙之慈溪人以名進士起家授知崑山高平常熟 侯之恵澤如水行地豈特一橋一事己哉邑侯姓楊名 侯復次第鼎新均未有記亦缺典也兹併入記中以見 書也他如福山唐墅小山湖橋皆常熟要津舊悉領圮 すといんろう 发三十

是為記 丞 出始蘇城南走五十里民屋數百間最然沙渚之上者 **履道者初作利往橋也橋本無有慶歷七年冬大理寺** 渡者今吳淞江也隐然長虹截湖跨江便來濟往安若 今吳江縣也東湖之流寔貫城之中隔限南北横可以 知縣事李問縣尉王廷堅嗟邑民之随鮮篆學者将 迎春橋在東門 利往橋記 吴都文粹職集 銭公輔

東西千餘尺市木萬計開者異之沮議百端不兩月 ·晓意解散然從命遂輸絡錢數百萬未幾韶禁郡縣不 |暁以奉釋氏不若助縣官典學民始聽且駁居一 改立至聖文宣王廟侈大實館以進延諸生呼富民營 可新立學二人骨與謀曰民既從財既輸矣倘不能作 在 忽大就即橋之心侈而廣之構字其上登以四望萬景 利事以便人吾何以謝百姓遂合傭傷工橋後典馬 .目曰垂此亭並橋之兩涯各龔以亭而表橋之名於 一目心 功

|敛定匹库全書

卷三十六

在有悦其景物清絕脱落人世者若居之利行之便 相摩櫓相接也卒然有風波之變則左江右湖漂泊無 必舟而後可故居者為不利縣當驛道川奔陸走者肩 流所判民半居其東半居其西晨暮往來事無巨細 君子指一意興一後豈直為游觀之美登賞之樂哉往 居者利而忘向所謂不利議者皆舌強不敢發噫賢人 所故行者為不便及橋之成行者便而忘向所謂不便 其下使在而來者可指以稱曰此果橋也初縣城為江 ここううえ 1.1. 吳都文粹結集 乜

棹歌嘔吸互引後盼前睨十里一素是亦有足樂馬庭 伸道試糜以一職則曰職小位隘吾無以伸惟龌龊奉 問斬然一變若是橋利大功博可傅可記者餘恆不 堅之字曰世美精敬沉毅顧其胸中不止乎佐一邑李 烟戰清月秋風夏囂滅埃斷收謳漁吟暗鳴間發榜聲 **茫乎其莫稱也雖然湖光萬項與天接白洞庭薦碧雲** 多定四年全書 丞仁厚通雅喜其有能而信從之視事幾數月塗答室 一二書也余觀今世人平居燕議時孰不欲求位以 N. 卷三十六

こうう 震澤東受羣川汪洋巨浸至吳江无廣行地為南北衝 旋進退無一不中於道燈豈常人而能至哉世美余友 **未之見也始則欲該庠序恢教本使民知堯舜周孔之** 慶歷八年六月二十八日蘇州吳江縣初作利往橋成 也欲余之文以信本末余當學春秋太史氏法乃書曰 尊及記條尼之遂能合財力與功利為永久之便其問 法保己之不暇若世美盡力其任不以小隘自繫者余 吳江州重建長橋記 1.1. 吴都火粹绮集 袁桷

宗敬寔來敬言木為梁弗克支遂易以石 其迄有濟參 知政事點古斯以督運至吳乃采其議周詢以籌首捐 屠善計度長衢廣殿縣息以具吾語諸衆有獲廣濟僧 **寔首政稽工程財莫知攸出當茂於民民有調後惟浮** 始建長橋由是各捨舟以途來往若織水臨木腐歲不 刺火王仲舒築石隄以順牽挽宋慶歷八年邑军李杲 革益為民病泰定元年冬州判張君顯祖始准事曰兹

千帆競發駛風怒濤春激噴薄一失便利卒莫能制唇

一分好四月全書

巻ミナハ

「とこりを ハトラ 三百尺有奇捷以巨石下達層淵積石既高環若半月 江西來江浙乃属張均俾終是工杜侯真來守是上亦 拍萬稱而府縣士民相胥以勸平章高公貫乃由湖廣 姚議於是參政委郡守郭侯鵬異後未與丞相達爾罕 興人能任大工後必屈必委繪圖相攸經畫單具咸服 資以勸敬復曰作事謀始不可不慎有善士姚行滿嘉 曰張之言然二年閏正月建橋明年二月橋成長一 公朝京師回道由吳江郡白橋議丞相曰吾必首倡即 97 吴都文粹确集 +

均首議出于政事有船合而是州典役見知于丞相誠 茫茫禹甸皆隣于魚維四載功兹為具區有失其防群 出大幸殿今運舟相聯驛使旁午成曰丞相謀歡經逐 垂 張均美績由是得書将永無極繫之以詩 財寔三之二贏財十萬復以為實帶橋助姚總其綱張 為梁七十有二曬以剽悍廣中三梁為尺三百以通巨 舟層開後貌危石晶屬赞以文覺過者如席舊有亭名 **虹周遭嵯峨因名以增紫觀馬是後也故師想徒輸**

|新厅四人母在書

卷三十六

泰定問鹽官海溢江浙故相托歡公憂之有禱於天竺 宜以完以圖割其民錢俾民樂輸橋既成矣虹飛于江 益病名維者老貨布莫竟相國之來六轡徐徐詢行審 **嗷喁喁曰維李侯構兹虹梁經始孔艱任負揚揚歳老** こ・リーシ 國成之彼清淨士式克承之十載永頼庸以銘之 石湖臨履若驚張侯泣官飭我初政曰兹橋匪修涉者 千柱承字群流廻矼儼予層城爛其軒窗張君籌思相 吳江長橋銘有序 1.1. 吴都文粹绩集 釋大訢

盡得其宜故託之僧亦權宜爾且事有人力而成之者 絕修委之僧者非其才智有餘恐吏緣奸而工若賈不 竭其力関己之勞而美彼之有成功也予復之曰古之 委之僧豈僧有才智而不如耶吾以海患國際其費民 有修諸人而仰成于天者是不可聚論也今言者方典 事吾以萬緣助之又閱諸郡志若橋井道路告之人悉 山謂予言比過吳江見僧作長橋不煩於官而工敏于 水利地道不寧公能用益公之言治以清淨使民自安 **/** 卷三十六

而 作鉅問奉觀音像于上以師立之徒永福居之復置田 始于泰定乙丑二月期年而成後九年州守德濟哈雅 古斯州判張顯祖倡義以赞成之橋若干尺費若干綿經 崇敬率泉以給其費居士姚行滿任勞以終事念政點 こうこ 以繼其食他日從雅求記於子予以雅嘗從中峰于 而公遽薨惜哉時公所見作橋者僧從雅師立總其後 罷而海循故道矣中外望公如曹參以相齊者相天下 何有于絕修哉公曰然既而政化大行言水利者亦 具印之华賣長

履之相君至止君之憂民如援其溺輔以吾道乃煦乃 陸會同告危而安今絕而通嚴嚴之石找礪我砥孰先 之以銘銘曰 諭且不可得况拘拘從事于木石哉雖然道無不在為 國之食貨資於東南郵傅星馳朝吳暮燕萬艘千騎水 交于予予又受知於托歡公故追憶其語而記其事系 與無為中峰之教人如是崇敬敦篤好義度量廓然當 | 多定匹峰全書 目宜宏其教以拯夫三界之昏墊而為井為混為後之 灰 农三十六

是也然水無所洩必有震凌之患人失其濟必有阻溺 縣之水注三江以入于海書所謂三江既入震澤底定 舊名長橋在吳江縣治東三里許泄太湖所畜三郡六 成化十有七年歲在卒五慕春之初重修垂虹橋成橋 麗吟風作我安如山禪定寂若寂而恒用人躋壽域于 こうし 異天嗇其施天下痛之我心匪石敢負所知霖潦夜驚 **以闡教于以報國** 重修垂虹橋記 189 吳都文粹稿集 錢溥 中四

冬巡按御史高唐劉公魁遇而見之名其治縣者修之 勝境也歷歲滋久崩隤日甚殆三之一行者病馬去年 一多好四库全書 工鉅費繁未易規復其邑有故義官屠晟之妻趙氏聞 山出沒於烟霞縹緲之間而東駅諸海日夜不息此真 南北與販者往馬蓋要地也檢表千有餘尺下開七十 之處則是橋也定據兩浙八閩之衝驛使機遞者在馬)撫其姑遺孤承宗嘆曰而父積鉅資以貽汝兄弟今 洞路鯨波之潤聳鰲背之峻人行其上弟見洞庭諸

|適復其舊煥然維新乃請於公願立石以記述公日吾 ここり 尼工籌議克合乃出白金千餘兩經始於其冬不二月 聞春秋常事不書此修橋亦常事也奚容書獨以彼稱 之蘇衛指揮楊端董治之周種則禀趙以酬應之鳩材 此非有烈丈夫志者不能宜令縣學官禮于其門獎勵 保幼孫于有成于是縣達于公公且喜曰以一簽婦若 日幸毋黷于官毋擾于衆願自為之废楊夫名于不朽 汝兄弟己及汝安能保其所有邪令孫壻周禋告于縣 1.2.5 ***** 吳都文粹結集 土五

牵連書之使後之有事于斯橋者寧不視以為勸乎詩 端與裡內外謀合上不負公之托下卒成趙之志皆得 之也余乃嘆日此乃一事而數善并馬公能使民以義 我東吳威聲義聞自足感人而典起馬非有所為而為 為積而不散者之勸趙亦遣裡謝曰婦人無聞惟公処 日 金月四月有言 而加大勸人之禮趙能捨財取義而存夫保幼之仁况 丈夫者多保利養義雖至死不悟而趙乃能之宜書以

使者不言自孚感兹孀婦善保其孤一揮千金惟新是 諸水牙凑滙成具區濕潦泛溢東海是趨輦石為梁横 三江五湖口地與天不隔日月所蔽虧東西渺然白漫 矢斯直曾不少迁勒石告成有永不磨 圖块块修造廣菜範模龍翔虎伏玉砌金鋪工甫三月 亘天衢軒豁呈露罔測端倪垂虹中斷病涉製虞繡衣 雨霽虹舒勢控山湖秀紋堪與檄奏書傅如履坦途如 長橋 吴即文阵衛集 王安石 ナ六

當米民力 璀璨黄金壁中間不慮始助我皆豪殖喟乎獨不可還 **漿談笑顧賓客頗誇九州物壯麗此無敵榮煌丹砂柱** 雜蜧氣闌楯相承翼初疑神所為滅沒在頃刻晨與坐 漫浸北斗浩浩浮南極誰投此虹蜺欲濟兩間阨中流 長橋跨空水瀰漫北望登天去無岸洞庭自湧東西山 其上傲兀至中昃猶憐變化工不謂因人力令君持 同 前 葉夢得 酒

欽定匹库全書

跨地帶渴龍乾死苦無麟絕海失舟踏鯨背秦帝東游 當道獨能支險阻更東安得與天窮莫比垂天紳莫比 老匠鐵手風運斤 驚濤忽起行人斷禹功十年在坤與東南大浸惟五湖 逐仙跡絫重肉多飛不得二州水隅不到山借得紫虹 此為炎地猶濟人西渚巨澤江海通陽侯屢溺騖濤風 何狂瀾不少限鐵馬萬騎翻長驅 吳江長橋 一挾刃入干山髡明堂有柱不見用 王令

こううし

111:

吴都之降情俱

ナセ

銀定匹库全書 朝宗海安得身乗破浪風為約他年可歸處獨倚閒干 飲瀟湘渴龍游河漢横夕陽看不服待看月華生 有容過津亭高歌願濯纓闌干聚烟碧波浪捲秋聲蝀 不思去季應范蠡不足奇待吾為誦歸欺句 干萬尺平時塵土埋英雄吾亦葉劍來游東欲觀水盡 蟆無晴雨横空不計年長身欺浪渺鉅力厭風顛懷 長橋 夜泊垂虹 卷三十六 吳及 孫元京

豈知投老負垂綸 とこうり はんしんべい 前哲臨流猛拂衣身違憂患是先機非才自合居閱曠 終衣幾度醉江濱今日重來淚滿巾惟有舊詩存屋壁 古方聞笛題詩且住船飛鳴中夜雁何處得洲眠 不泛五湖何處歸 寧境禪院因成十絕呈君勉且寄子通 月下游松江垂虹亭登長橋夜泊南岸口旦将 吴都文粹緒集 朱長文

坐看丹霞生翠微 雲動鑑中雙樂飛天圍林外片帆歸閱干倚遍日欲暮 金月四月全書 更回城闕戀塵埃 酉甘 謾将弦管雜烟波 兩山映日磨蒼玉萬頃涵虛皺碧羅不會樂天猶近俗 人爭軒冤安在哉我愛烟霞歸去來魯望有靈還見笑 虹稳卧碧江心夢寐頻游覺莫尋散友相逢清絕處 夕抵干金

坐卧湖光百慮閒 漁燈照浦 樂事人間少十全 僧含蕭疏竹葉問開軒處處面雲山詩家不及禪家樂 銀潢倒寫入滄溟身近魚龍夜不驚鳴觸飛空孤雁過 漠漠秋烟羅故園沉沉暮色瞑漁船月華末出詩翁遠 秖欠洪 崖笑拍肩 こうし 江東鱸魚味不擅江頭酒美滑如泉長橋為席雲為幕 1.1. 一星明 3 吴即文學清集

萬項澄江白王寒金波留影動波瀾明時難賦離騷事 班葉愁隨晚葉凋天涯牢落一身遥憑君其惜松陵月 多好四牌全書 且借江邊照寂寥 自憐非是謫仙才 踏翻鰲背步徘徊萬里青山 獨墊給巾夜倚閒 同楊立之步月垂虹因寄章蘇州 T. 鑑開欲醉餘酷弔清影 沈典永

世間八月十五夜何處樓堂得月多不及吳江橋上望 回首烟波十四橋 鷺絲飛上釣魚船 自作新詞韻最嬌小紅低唱我吹簫曲終過盡松陵路 垂虹橋下水連天一 長橋玩月 過垂虹 舟過垂虹 帶青山落照過三十六败烟浦冷 吴師文際情集 姜夔 陳遠 何應龍 Ŧ

弘定匹库全書 雲收霧霽水風髙百丈虹橋氣勢豪疑是玉龍潊爪距 水晶宫殿揖嫦娥 横在波心幾十年 萬項平湖水接天湖光天色遠相連虹蜺截雨歸未得 潛來江上看波濤 空有湖光伴寂寥 記得當年過此橋月明江上暑風消而今重到經行處 長橋 張元

雙紅鎖湖湖水長影摇洞庭吞三湘霜飛八月橘柚熟 晚來移棹泊垂虹閉倚逢窗問釣翁為甚鱸魚低價賣 老眼青青望洞庭虹垂斷岸月初生滔滔橋下無情水 しこりき しょう 不為吳王洗甲兵 來朝市怕秋風 垂虹橋 垂虹晚望 長橋 吴都文粹結集 僧晦嚴 沈清女 揭希韋 主

盡是吳儂戰時血孤兒拾新臨水渚學得楚歌并楚語 **銀定四角全書** 客中有懷不得盡無人同上三高堂 仰觀飛矢在浮圖江水江雲駛如雨 我欲打船聞水香晴天晚眺過湖曲歷歷遠樹波茫茫 虹橋頭浪如雪新祭層城堅勝鐵長隄十里土花青 江波萬頃橋倚碧雲端白鳥穿屏小青天落鏡寒夕 垂虹感慨 松江長橋 Ņ 紫廣 陳字

長 哉皮學士去矣范将軍誰種千頭橘空山卧白雲 陽明佛塔秋色老漁竿無限売闌意何時此掛冠 長橋戎馬後旗幟尚紛紛吳越東西隅江湖左右分荒 田連沮洳蛟室亂魚凫私怪鸱夷子初心握伯圖 如垂絕岸形勢壓東吳風雨三江合梯航百粵趣葑 j 長橋 垂虹晚坐 題垂虹亭 吳即之降衛集 成廷珪 旌都拉 王逢 11+17

| 欽定匹庫全書 橋上青山橋下水世人能見幾風波 **挿天蝴蝀勢嵯峨截斷吳淞一幅羅江北江南連地脈** 城郭東西隔水聲賈舶聚橋朝作市戍樓槌鼓暮歸營 架木為梁者路平朱開步步接空明江湖日夜流虹 人來人往渡天河龍腰撐出漁舟去鰲背高駝駟馬週 三高祠畔垂楊柳撩亂春風弔古情 吳江長橋 吳江石橋新成 李坦之 宋无 影

左右江湖雜帯地天開圖畫信豪雄吳松潮漲天為岸 騎鯨便欲超銀漢直踐台階挹斗杓 雌霓半空横綵綃天路行看星象逼江濤怒息水犀萬 開干不厭頻來倚要豁平生芥蒂胸 林屋山高雲是峰上下炊烟生紫翠去來帆影亂空濛 五色何年補次寥百弓無地架瓊瑶老龍千尺卧寒玉 Ī 垂虹 垂虹眺望戲作出入韻 1.1. 吳仰之卒寄是 富恕 高文度 i

老我一雙題柱手釣鰲猶在五湖間 東南地班鎖連環玉閥亮月天應近石洞藏雲夜不關 老龍天半倚高寒氣壓三吳控百蠻江海水聲吞合璧 銀定匹库全書 坤軸東南坼兩端巨靈擘華壓平川玉鯨偃蹇吞三峽 闌干三百風烟晚獨立蒼茫歌洞天 彩影連蝼落九天有客吹簫明月下何人釀酒大江前 垂虹中秋對月 同前 巻三十六 蘇舜欽 鈕麟

找 物模人非天地惟有江山不老 飛梁壓水虹影澄清晓橘里漁村半烟草嘆今來古往 水面沉沉卧彩虹佛氏解為銀色界仙家多住月華宫 地雄景勝言不盡但欲追隨乘晚風 月晃長江上下同畫橋橫截冷光中雲頭焰焰開金餅 洞關無鎖認雲屏烟障是吾廬任滿地蒼苔年年不 劍横空幾番過按玉龍未斷月冷波寒歸去也林 垂虹亭詞 吳即之年前其 雨中風帽四海誰知 蘇軾 記せ

掃 勢壓江湖蝦蟆天幾處征帆浮日月四州熊角隔江烟 欽定匹庫全書 地圻東吳海脈連畫橋兩道跨晴川彩翻河漢蛟龍國 闌干獨立秋風早豈待鱸魚始拂衣 老昼浮空半是非兩岸履聲雲內合三州帆影月追歸 路隅横临鳥倦飛行人恐犯女星機長虹出浪無冬夏 同 垂 前 虹橋 卷三十六 劉斯立 林景熈

七十二灣新月痕玉閥雨過蒼苔滑石洞舟行清水渾 鯨背參差十五舟入市樵蘇看絡繹歸家鹽酪免遲留 六月長橋斷不收朱閥初喜映春流虹腰宛轉三百尺 病夫最與民同喜卵酉忽忽無復憂 何人拔起蒼山根挾來壓住江流奔三四百尺斷虹影 |高遠矣荒祠在||笛閱干夕照邉| 長橋 同前 民郭七年賣具 蘇轍 華翥

驚得沙鷗嘎嘎鳴 青山都在雪花中 幾欲臨風又題柱恐驚司馬未招魂 欽定匹库全書 垂虹橋下新水生白龍廟前雪未晴大風挾帆過江去 江風吹帆忽數里野花笑日時獨行更須對雪開金蓋 要聴降船楊玉筝 江之水太湖東浪激輕舟疾若風白鳥產雅烟樹末 泊垂虹 N. 卷三十六十月十 顧息輝

為即彈得小秦節 箇箇輕鷗白浪中 鸕鷀鵜總多情荡漾春江取次行日日沙頭候歸 為起中流為鸛鳴 洞庭之西湖水東客行三日上江風行行塞雁青天外 - 1 上日日客愁生今朝春雪始放晴舟人族拖看山影 次韻 次韻 关節文阵错集 陳基 郯船 ż 雁

七十二峰圖畫中 欽定匹库全書 誰是岑麥兄弟情好奇長作漢陂行如今翻動江湖典 無限客愁撩亂生春寒強半雨初晴烟波萬頃深無底 月淌楼船晚按筝 彷彿鮫人織杼鳴 旭日初生積水東白頭波起鯉魚風洞庭西望平如掌 郭雨如注入舟天欲低飛梁跨雲渚端嵲且長霓三 垂紅

寂寥方文似中係越人尚以難為卜楚俗相傅鵬類鴞 鴻飛 矰繳何由篡 鶴去樊籠不可招浩蕩扁舟歸鑑曲 膾熟江東與可邀歲月幾何流水逝山川如舊古人送 江風水急五湖烟月迷風背鳩夷子扁舟此入齊 伯 氣吞七澤水通潮重淵有怪犀難照蔓草無名火不焼 こうし 何年伐木架危橋鯨浪翻空白雨飄勢控三吳虹倒 國黃金聞鑄像王門白玉想為標功成海上身先退 次韻泊舟垂虹倡和 吳即走降清集 Ē 影

行 欽定匹庫全書 道人置立半通仙鞭石平湖柜巨川畫鐵玉環輪影缺 萬里風萍觸處漂却憶春暉樓上去為君裁取玉為簫 幾度憑聞賞秋色鱸魚新買繁歸柳 形垂蝃蜾慕天高烟中去憶鹅夷遠月下吟誇長史豪 自把文車論隐伏敢将交態較淳流五湖烟景隨時具 人脚底響波濤驅石神鞭是孰操影落蛟龍朝窟暗 長橋 垂虹 灰 卷三十六 陶板 高政

買 清波即長橋深潭漾華月肅肅夜景澄微微天籟發幽 最是晚來烟雨後浪花堆裏看龍眠 夜開金鏡月華圓萬邦冠冕行鳌背三島神仙出洞天 : 1 不向城中訪縣官 人亭宇間釣篇坐清絕 酒烹觸敵暮寒垂虹橋上倚闌干行人笑指詩翁賴 泊舟垂虹橋 垂虹夜月 吴即文於皆集 周忱 劉 珏 Ī

萬十層浪直衝湖石闌干外青山小蘆葦叢追釣艇孤 欽定匹庫全書 老我告年題柱手舉杯今日醉夢鱸 七十二峰波浪碧卧聽仙客紫鸝笙 春風鼓角動江城鮫人織杼潛蛟泣戍卒彎弓過鳥驚 垂虹橋下波濤壯人在電電背上行落日帆橋迎水驛 天垂螮蝀跨三英橋上分明見畫圖七十二灣平作路 垂虹橋 長橋晚典 **买**願 杜庠

太湖烟水釣舟多試烹蓴菜知佳甚欲采蘋花奈晚何 浪 清玩茗杯成久坐月明隨處起吳歌 張翰功名尚憶家廟倚虹橋長卧水舟搖月棹遠侵沙 くこりえ 不堪夜静鳴孤鶴坐看牽牛憶歲華 溪亭與桑枕平波避暑初從此地過高塔風霜僧院古 起秋風萬頃花吳江一望太湖縣子胥謀畧原仇楚 舟泊垂虹 過長橋 1.1. 吳即之降衛集 朱寔昌 Ē 鵬

多定匹库全書 青冥共展圖南翼肯學為唐嘆白頭 洧洧王露落三更隅舟漁大明還滅傍晚山雲斷復生 長橋秋夜月華清共坐江頭楓樹鳴渺渺金波來萬里 水 張翰扁舟何處是高歌尊酒一含情 浮世功名范蠡舟落日樓臺吹笛晚高風木葉下林秋 落沙明露遠洲楚天萬里見飛鷗横空瑞氣張華劍 垂虹晚眺 秋夜長橋遣與 吳復 周仲仁

宛宛白虹貨層梯出雲半來雲來帝旁立侍玉皇案銀 銀漢雲橫月上退停杼想應鮫淚滴倚開聽斷惟聲悲 翦得柯亭碧玉枝誰家哀怨隔江吹玉關風急飛霜早 河經千里水接天漫漫一 梅花一夕水肌瘦堪拉愁人獨立時 J. 1 1.12 /11. 1 江海客坐嘯白鷗件寥寥如清風一笑亦可喚明朝駕 垂虹亭 泊垂虹間笛 **关都文阵精集** 杯属明月俯見人影亂張公 孫觏 謝常 Ŧ

斷雲一 我軒棟羽流白翰行矣且勿驅來怪安石緩神光射斗 多分四角 全書 南絢岩金碧爛出門問何祥銅章付雷煥 張翰英靈應笑我綠袍依舊惹埃塵 一年為吏住江濱重到江頭照病身滿眼碧波輸野鳥 養跳雨属漁人腦船聽月孤輪白入座晕山數點春 禁洞庭帆玉破鱸魚霜破相好作新詩寄桑苧 同前 同前 卷三十六 陳瓘 米书

離家無數里客思便侵凌久機爐無力頻翻被有稜孤 蟾如得件哀雁擬傷增怪底寒清冽推篷露氣疑 高壓玉龍腰參差雁勢朝雄在五湖潤平揖兩山曉閉 機中流出炎蒸白晝消暫來塵慮息那復日逍遥 垂虹秋色滿東南 ĩ į 同前 夜宿垂虹亭舟中有感 垂虹亭 1.1. 陳珏 龐元英 楊絳 Ė

飐波聲碎虹垂雨意閉無端動歸典 冷浸三江碧青園四面山帆歸烟浪杪人住水雲間風 致輸公擅清歡愧爾慳賔僚陪宴笑與盡莫輕還 垂 銀定匹库全書 行樂江亭上情彌天壤間舟譏王訪雪妓都謝登山佳 明寬眼界透迴破天慳深羨鴟夷子扁舟竟不還 虹臨絕景仙隐寄人 同 和 前 韻 人間遠水平吞野歸雲補斷山空 棹喜輕還 陳武子 犯人

悠悠風物四時新苒苒山屏萬古春多少江山人不看 此乘槎 しこりまたとれて 氣象清雄天與鄰世間不合有埃塵擬将琴酌酬佳節 只恐江山解笑人 西望洞庭突兀東連仙里人家笑指開干三百醉來就 同前 垂虹亭 同前 **关都文粹精集** 蘇舜卿 陳直卿 丁謂 Ī

却來江上看行人 多定四月全書 回首重來獨倚闌 上下清明 千里波平瑟瑟風纖雲不解翳虚空素娥自有清光在 夢江湖三十年青山隐隐水漫漫當時把酒誰人在 同前 同前 同前 鑑中 卷三十六 李定 銭明逸 王琪

閃閃練月宵稜稜素秋節捨棹上孤亭臨江侯歸客住 定從此路入蓬萊 紅橋跨浪二千尺橋上危亭在水心六月火雲焼萬里 長橋干 しこりら ノント 夜來風細似秋深 殊未來幽意為誰適徘徊當夜半彷彿去天尺仰接 夜泊吳江宿垂虹亭 同前 步截江洄虹影隨波綵翠開誰與上皇傅信息 民即之降衛集 戴良 王媞 11/4-1

斯亭直與之相雄前年 嚴密顯伏固非 多定四月全書 砥柱屹立洪濤中鼠吞具區三萬項目覧洞庭七十峰 石橋翊翊如游龍上有亭子名垂虹飛梁横跨碧波上 若蜕眇眇思何極居然怯風露聊復就食席亦既不成 銀 **採将何慰兹夕頼有同心人連 粉語時背** 河横俯照星綠過直疑穹壤連豈有人世隅飄飄 垂虹亭 江湖合勢送相通醒心豊樂告稱勝 卷三十六 烽火亭焼燬劫灰徒逐東流水 無名氏 形

葺舊補殘有倫理 棟字暈飛洲渚問寫扉輪兵烟雲東 鼓舞歌詩頌侯美從今過客踏靈鰲盡說登臨氣象豪 此邦壯觀己蕭條喜有孔侯復經始侯家清白素王孫 停杯聽我歌此曲并刀快剪異凇緑 秋水芙蓉翻錦浪寒汀落日散金壽風帆沙鳥近隐見 廟貌三忠自侯建遺像肅然人敬金邦人士卒共樂成 烟 雲竹樹森相交個中景物吟不足空對山川送游目 垂虹亭 吳都文件清集 倪瓒 圣型

欽定匹庫全書 歴閣春城外澄湖暮色追飛雲忽入户去鳥欲窮天林 屋青西映吳淞碧左連登臨感時物快吸酒如川 正是鱸魚忘世味隨方我亦且答箸 山光自獻一 家樓閣載浮萍歌橋側校衝風勁密網疎層刮浪腥 鞭石架穹窿突兀虚亭瞰碧空藻井動摇天上下 垂虹晚眺 題垂虹亭 螺青人立垂虹酒乍醒兩界星河涵倒影 卷三十六 柳賀 劉致

潘袖玉皇香案烟絲蜺背上眺晴川紅黄霜樹珊瑚海 問道於今坦如砥梯航喜與萬方同 彩虹拖沓水西東貫通百粵連吳會流接三江究禹功 珉 丘陸續楚連蠻底定在瀾萬馬還水府有門容棹 吟毫醉熊吳江水寫與騎鯨李謫仙 黑白雲光玳瑁天玄 圃空離樓十二玉墀對罷字三干 Caldia Like 垂虹亭 垂虹亭秋日遣與 吳都文粹橋集 僧仁裕 宋无

多定四库全書 照却憑開幾許人 岸草江花萬古春感今懷古最傷神不知 水國生涯一釣綸荻芽鱸膾四時新安知白首滄洲客 洞天無鎖許誰關高空勒住黄金索滄海浮來碧玉環 不是三高行輩人 月夜江樓看蛟螺長虬横卧翠濤間 同前 同前 卷三十六 李繼本 周家 片垂虹月

欠三日日八八 米飯待月出海白喚起弄珠君陽吹第三笛 落震澤浦潮來松陵驛綿綿洲溆平恭恭蓝葭積憑閱 不敢嚥下有龍窟宅帆歸雲外秋鳥下烟中夕欲炊恭 銀筝嗚咽怨秋風 泊舟登危亭江風墮輕愦空明入空眺天水如不隔 金尊綠酒荡晴空花壓雲鬤縣袖紅莫唱何戡渭城曲 同前 同前 吳都文粹續集 周南老 高啟 14:77 Đ

簏 動秋 碧遥山凝幕紫憑虚際空濶應接殊未己漁歌 忽互答聲落烟波裏扁舟去遥遥可是鸱夷子 虚亭架垂虹宛在水中沚江湖界左右陨檻俯清泚疎 金罗巴人名音 垂虹亭治平三年知縣孫覺重修至紹與問邊軍犯 聚泣地下不可焚遂止元泰定二年判官張顯祖復 **思八年縣尉王廷堅以太為之東西長千餘尺中有** 垂虹橋在吳江縣東門外一名利往又名長橋宋慶 准有建議焚橋者郡守洪遵持不可而縣民亦相與

比屋連费棟居民庶且寧早來漁市散終日敗鱗腥 蓬島徒遼遠瑶池更渺茫波間有林屋只是此仙鄉 ここうしくいい 修 在縣治東世傳陳昉于此仙去故名下有仙人洞 正統元年巡撫侍郎周忱相繼修治成化十七年重 **然以石下閉七十二** 庶寧橋 仙里橋 洞國朝洪武元年知州孔克中 尽印と卒前芸 張明達 ויורא

昔日松江上潮翻定海來而今舊橋水不到半江回 銀戶四库全書 東望扶桑路追追幾萬程滄浪将盡處忽見日華生 巨浸养無極聊為萬項看世無黄叔度君試倚閱干 在縣治右元初改州又稱州橋 萬頃橋 甘泉橋 定海橋 大明橋 劉嘉謨 倪瓒

太湖日寒多雁聲馬周斗酒足自慰龜蒙扁舟有餘清 虹梁雪灘光明滅風著岸脅水麟生空郵天晚亂木葉 囊中青錢不滿百聊買小鮮來就烹 怒濤翻雪小停橈 松陵第四橋前水風急猶須貯 又名第四橋其下水甚清冽在水品第四 ししい という 吳江第四橋阻風 新建大有橋記 吳節之降衛兵 瓢敲火煮茶歌白学 王逢 朱存理 美

請予易其名復徵文為記予適至其所秋風澤國黃雲 凌君遂市石鳩工始於秋七月乙酉落成於九月壬午 施聞之亦樂助馬趙嘗以白金干兩修縣城之垂虹橋 舊址僅存里人凌通慨行者之病涉也思欲新之而力 吳江縣治之東四十餘里地名莘塔旁有橋歲久傾圮 義聲滿邑雖厚積而人以為難今兹舉也若易易然者 敬慨然捐資助之其妻之祖母趙氏妻母問氏素皆好 有不逮乃告于鄉之巨室鎮助成厥志承事郎周君惟

一级定匹库全書

卷三十六

成也因名之曰大有期以為歲之兆也衆以為然又以 吳江尹候陳君秉鈞來 泣吾邑之三年政平 而人愛悅 以記成化甲辰十月朔長洲朱存理性南記并書蒙 為義舉也己子雖不文恐後人昧于與創之由故鏡石 視惟謹而功頗大所費出自君無各宜其歸功於君誠 為其鄉人之慶也鄉人之相率助君事欲坚久故君督 消野得覩大有之年散呼笑語聞于疆畝益樂斯橋之 こううい 重建獬豸橋銘 吴即之华奇集 吳洪 Ē

一级定匹库全書 獅豸廢久而名存子以斯亭名名橋不亦美乎侯答曰 鄉多乃神羊能觸邪古人取以為御史章服之飾是邑 易也吾為子告馬子當覽郡志乎是邑儀門舊有亭名 凍餒百廢具修是橋之建為民干祀之利也但橋名當 名未易也成化癸卯五月六日夜風雨交作侯二鼓就 **聚有力者為之民不勞而功條成恵于民也寔多其橋** 邑衙之前有橋名州橋久圮行者病之侯乃以豊歲勸 寐夢神衣冠偉然揖而進曰子為斯邑令一下車民無 卷三十六!

妄也今特為銘以錢諸石使後人知是橋之名由兹而 驚異筆其說以書來京屬予銘之子邑人也知侯為詳 此固為吾邑之禎侯之超遷将先兆於兹乎神之靈不 在郡邑有異能者悉詔補侍御侯之建橋而神假夢如 士論偉之咸以遠大望侯也况今聖天子簡賢任使凡 志在為民省力屢遇威權不少避侯之大節不可及矣 侯以鄉貢進士除是官有清白操毅然有為人不可干 鴻碩顯榮之多将兆于兹也神人聞之大笑而去侯覺 吳郭文华唐集

欽定匹库全書 龍無邪不觸無传不攻易以名橋足振儒風侯乃稽首 立是橋之建由侯而始侯之澤兹邑将與橋同久矣肇 屢獲豐乃鑿白石乃建飛虹民不告勞干夫卒從神乃 **倚數吳江鉅於吳東陳侯之來憂民若恫室家胥悅歲** 名東鈞字堯弼銘曰 假婆話言從容有亭獅多載郡志中乃為神羊一角如 工於成化十八年十二月畢工於成化十九 年三月侯 **禎兆是崇橋由此名云云朝宗乃期是邑俊髦烈轟致** 卷三十六

山猶 登樓試長望望極與天平際海藍設色終朝見雁聲近 此逢神之嘉兹亦因有窮 こううし 身執法接武登庸孤忠直節咸避於公我倭超耀兆先 全作彷彿遠水忽微明更覧 路公作題高知姓名 登平望橋作 吴即文於衛集 顏真卿

	Con annual con-				
吳都文粹續集卷三十六					多定匹库全書
水卷三十六					卷三十六
					1